



ATASSUT INATSIARTUNI

15. august 2014

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqut imaattoq saqqummiupparput:

Kullorsuarmi Nunattalu sinnerani ilagiit palasinit ajoqinillu sullinneqarnerannut tunngatillugu apeqqutit

(Inatsisartuni ilaasortat Knud Kristiansen aamma Gerhardt Petersen, ATASSUT)

Tunngavilersuut

Innuttaasut anersaakkut sullinneqarnerata pitsaasumik inissisimanageratigut inuiaqatigiit nukittuumik inissisimanagerat qulakkeersimaneqassasoq ATASSUT-mit isumaqarpugut, taamaammat ilagiit sullinneqarnerat pitsaasuullunilu aalaakkaasusariaqartoq ATASSUT-mit isumaqarpugut.

Qujananartumik paasinninnerput malillugu sumiiffinni amerlanerpaani ilagiit aalaakkaasumik pitsaasumillu sullinneqarput, taamaattorli aamma sumiiffiit ilaanni pitsanngorsaasoqartariaqartoq ATASSUT-mit takusinnaavarput.

Matumani immikkut eqqarsaatigaarput Upernaviup nunaqarfittaasa ilaat Kullorsuaq. Kullorsuarmi innuttaasut aalaakkaasumik 400-it 500-llu akornanni innuttaqartumi, upernaarli ilagiit ajoqeqanngillat atuaasuinnarmillu sullinneqarlutik. ATASSUT-mit tamanna naammaginangitsutut isigaarput kissaatigaarpullu piaartumik Kullorsuarmi ilagiit sullinneqarnerat iluarsiivigineqassasoq.

Tamanna tunngavigalugu ATASSUT-mit apeqqutit uku akineqarnissaat kissaatigaarput:

- 1) Kullorsuarmi qaqugu ajoqimik atorfinitsitsisoqaqqissava?**
- 2) Nunatsinni nunaqarfinni illoqarfinnilu palasit ajoqillu amigaataanerat qanoq annertutigiva?**



ATASSUT INATSIARTUNI

- 3) **Nunaqarfinni illoqarfinnilu 400-it sinnerlugu amerlassusilinnik innuttaasulinni palasimik atorfinitsitsisoqarsinnaanera Naalakkersuisut aqutissiuukkusussinnaavaat?**

Taakkuupput matumani apequtigiumasagut, naatsorsuutigaarput suleriaaseq malillugu ullut nalinginnaasumik suliffiusut qulit qaangiutsinnagit akissutisissalluta.

Inussiarnersumik qinnutigaarput akissut Inatsisartoqarfimmut nassiunneqarnerata saniatigut toqqaannartumik uagutsinnut atassut@inatsisartut.gl –mut nassiunneqassasoq.